

REFERAT Kommunalbestyrelsi d. 16-05-2017

Mødedato Tirsdag d. 16. maj 2017 kl. 19:30

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Aqutsinermik Ileqqoreqqusap aappassaaneerneqarnera.....	8
Sisorarfiit aningaasaateqarfiata siulersuisuinut ilaasortamik aammalu Angalanermut aningaasaateqa	11
Immikkoortut matoqqasut.....	15
Taasariaqartut allat.....	16
Imaqarniliap akuerinera.....	17

Punkt 0: Saqqaa

Ilaasortat
Asii Chemnitz Narup (IA)
Malene Lyngø (IA)
Charlotte Ludvigsen (IA)
Uju Petersen (IA)
Harald Bianco (IA)
Inge Olsvig-Brandt (IA)
Rasmine Geisler (IA)
Knud Mathiassen (IA)
Henrik Rachlev (IA)
Nivi Olsen (D)
Randi Vestergaard Evaldsen (D)
Justus Hansen (D)
Mala Høyskov (A)
Peter Davidsen (S)
Thiiioq Knudsen (S)
Ane Egede Mathiesen (S)
Martha Lund Olsen (S)
Rolf Pøke (S)
Laura Tønnevik (S)
Ilaasinnaanatik nalunaartut
Peter Davidsen (S)
Aggeqquneqartut
Jens Kristian Berthelsen (S)

Beslutning

Oqarasuaatikkut:

Thiiioq Knudsen, Rolf Pøke, Knud Mathiassen, Malene Lyngø

Peqataanngitsut:

Peter Davidsen

Henrik Rachlev

Sinniisut:

Jens Kristian Berthelsen (S)

Punkt 1: Oqaluserisassat akuerineqarnerat

Beslutning

Oqaluserisassat akuerineqarput.

Punkt 2: Nalunaarutit

<p>2A Borgmesterimiit nalunaarutit</p> <p>2B Ataatsimiititanit ataavartuniit nalunaarutit</p> <p> </p>

Beslutning

2A. Borgmesterip nalunaarutai:

- Apriilip ulluisa sisamaanni 2017 qinersineq pillugu Qinersinermut Siulersuisut apriilip ulluisa 28-anni kingullermik ataatsimiipput, tassanilu kommunimut qinersineq siulersuisut oqaluuseralugulu akuersissutigaa.
- Maajip ulluisa arfineq-pingajuanni Norgemiut Københavnimi ambassadøriat, Ingvard Havnen, Borgmesterip ataatsimeeqatigivaa, ataatsimeeqatigineranilu siunertarineqarpoq Norgep Nunattalu akornanni politikikkikkut inuussutissarsiutitigullu tunngasunik nukittorsaaqqinneq, taannaannaanngitsorli aamma avatangiisit, silaannaq, ilisimatusarneq, ilinniartitaaneq il. il. pillugit ataatsimiissutigineqarlutik.
- Maajip ulluisa qulingiluanni aamma qulingani Katuami "Future Greenland" pillugu ataatsimeersuarnermi Borgmesteri pisortaqtigiillu peqataapput.
- Maajip ulluisa qulingiluanni Borgmesterip Canadamiut Københavnimi ambassadeanni sulisoq/oqaaseqartartoq, politikikkikkut naalakkersuisunut siunnersortiusartoq, David Nelson, ataatsimeeqatigivaa. David Nelson "Future Greenlandimut" atatillugu Nuummut tikeraarpoq.
- Maajip ulluisa 18-ianniit 23-at ilanngullugu Borgmesteri, pisortaanerugallartoq peqatigalugu, Siorarsiorfiup pilersaarutigineqarnera (Nuuk City Development) suliareqqinnissaanut atatillugu Københavnimi angalassaaq. Dansk Industrimi saqqummiisussatut aggersaasoqarmat.
- Maajip ulluisa 22-anni Nunat Avannarliit Killiit illoqarfittut pingaarnersaasa aningaasaateqarfianni siulersuisut videokonferencekkut ataatsimiissapput. Borgmesteri Københavnimut angalasussaammat, Borgmesterip tullia siulleq, Nivi Olsen, Borgmesterimut Asii Chemnitz Narupimut sinniisutut ataatsimeeqataassaaq. Borgmesterip tullia siulliup ataatsimeeqataanissaanut borgmesteri pisinnaatitsivoq.
- Maajip ulluisa 23-anni Iserit A/S-ip aamma Nuup Bussii ukiumoortumik ataatsimeersuassapput Kommunalbestyrelsip ataatsimiittarfiani ingerlanneqartussamik.

Punkt 3: Ilisimatitsissutit

<p>Soqanngilaq.</p>

Punkt 4: Aalajangiiffigisassat

Punkt 04A: Aqutsinermik Ileqqoreqqusap aappassaaneerqarnera

Beslutning

Kommunalbestyrelsip Aqutsinermi Ileqqoreqqusaq akueraa.

Bilag

2017-2021 Aqutsinermi Ileqqoreqqusaq.docx

04A Kommunalbestyrelsimut Aqutsinermi Ileqqoreqqusaq

Aalajangiiffigisassaq

J.nr.: 01.00.01

Pisortaanerugallartoq Lars Møller-Sørensen / LMS

Kommunalbestyrelse inissitsiterluni ataatsimiinnerani ulloq 2. maaji 2017 aqutsinermi ileqqoreqqusaq siullermeerluni suliarineqarpoq, tassanilu aqutsinermi ileqqoreqqusaq Kommunalbestyrelsimut akuersissutigineqarpoq, tamatumalu saniatigut aqutsinermi ileqqoreqqusap allanneqarneranik iluarsissuteqarnissamut, aqutsinermi ileqqoreqqusap aappassaaneerneqarnissaanut, borgmesteri pisinnaatinneqarpoq.

Allanneqarnerata iluarsissuteqarfigineqarnerata saniatigut, aqutsinermut inatsimmi § 44 imm. 2. malillugu, aappassaaneerneqarnissaanut siunnersuutigineqarpoq, Kommunalbestyrelsip Aningaasaqarnermut Inuussutissarsiornermullu Ataatsimiititaq missingersuutini aningaasaliissutinik ingerlatsinermut aningaasaliissutiniit ingerlatsinermut aningasaliissutinut allamut nuussinissaanut aamma sanaartornissamut aningaasaliissutiniit sanaartornermut aningaasaliissutinut allanut nuussinissaanut pisinnaatinneqassasoq.

Aqutsinermi ileqqoreqqusassatut siunnersuummi aappassaaneerneqarnissaanut allannguutit tamarmik sungaartumik nalunaaqutsersugaapput.

Inassuteqaat

Borgmesterip Allatseqarfiata Kommunalbestyrelsimut inassuteqaatigaa:

- Kommunalbestyrelsimut aqutsinermut ileqqoreqqusat siullermeerneqarneri akuerineqassasut

Suliassamik saqqummiussineq

Kommunit aqunneqarnerat pillugu Inatsisartut inatsisaat nr. 22, 18. november 2010-meersumi § 1, imm. 2 naapertorlugu Kommunalbestyrelsimut kommunip aqunneqarneranut malittarisassat, tassunga ilanngullugu borgmesterip suliassai, aqutsinermut ileqqoreqqusani aalajangersarneqartassapput. Aqutsinermut ileqqoreqqusassamut siunnersuutit aamma ileqqoreqqusamut atuuttumut allannguutissatut siunnersuutit Kommunalbestyrelsimi sivikinnerpaamik ullunik 14-inik akuttussuseqartumik marloriarlugit suliarineqassapput.

Aqutsinermut inatsimmi § 44 imm. 2 malillugu, aqutsinermi ileqqoreqqusap aappassaaneerneqarnissaanut siunnersuutigineqarpoq, Kommunalbestyrelsimut Aningaasaqarnermut Inuussutissarsiornermullu Ataatsimiititap missingersuutini aningaasaliissutinik ingerlatsinermut aningaasaliissutiniit ingerlatsinermut aningasaliissutinut allamut nuussinissaanut aamma sanaartornissamut aningaasaliissutiniit sanaartornermut aningaasaliissutinut allanut nuussinissaanut pisinnaatinneqassasoq. "... Tamatuma saniatigut Kommunalbestyrelsimut Aningaasaqarnermut Ataatsimiititaq missingersuutini aningaasaliissutinik ingerlatsinermut aningaasaliissutiniit ingerlatsinermut aningasaliissutinut allamut nuussinissaanut aamma sanaartornissamut aningaasaliissutiniit sanaartornermut aningaasaliissutinut allanut nuussinissaanut pisinnaatinneqarsinnaasoq." Siunnersuut aqutsinermi ileqqoreqqusami § 6, imm. 15-imi ilanngunneqarpoq.

Aaqqiissutissatut siunnersuut – suliatigut naliliineq

Aqutsinermi ileqqoreqqusassatut siunnersuummi Kommunalbestyrelsimut ataatsimiititattulliuttut pilersinneqassapput:

- Aningaasaqarnermut Inuussutissarsiornermullu Ataatsimiititaq
- Meeqqanut Atuarfeqarnermullu Ataatsimiititaq
- Meeqqanut Ilaqutariinnullu Ataatsimiititaq
- Sanarfinermut Avatangiisinullu Ataatsimiititaq
- Isumaginninnermut Suliffeqarnermullu Ataatsimiititaq

Taamaalilluni Kommunalbestyrelsimut aqutsinermi ileqqoreqqusap siulianut sanilliullugu ima allannguuteqassaaq:

- Aningaasaqarnermut Ataatsimiititaq imaalillugu allanngortinneqassaaq Aningaasaqarnermut Inuussutissarsiornermullu Ataatsimiititaq
- Meeqqanut Ilaqutariinnut Atuarfeqarnermullu Ataatsimiititaq imaalillugu allannguuteqassaaq Meeqqanut Atuarfeqarnermullu Ataatsimiititaq.
- Meeqqanut Ilaqutariinnullu Ataatsimiititaq ataatsimiititatut nutaatut pilersinneqassaaq
- Sanarfinermut Avatangiisinullu Ataatsimiititaq allannguuteqassanngilaq
- Isumaginninnermut, Suliffeqarnermut Inuussutissarsiuteqarnermullu Ataatsimiititaq imaalillugu allanngortinneqassaaq Isumaginninnermut Suliffeqarnermullu Ataatsimiititaq

Aningaasaqarnikkut sulisoqarnikkullu naliliinerit

Ataatsimiititat aaqqissuussaanerata allannguutaat aningaasaqarnermut sunniuteqarnissaa naatsorsuutigineqarpoq. Aningaasaqarnermut sunniutaasut qulaajarneqareerpata ilassutitut aningaasaliissutaaratarsinnaasut Kommunalbestyrelsimi suliarineqassapput.

Inatsitigut tunngavissaq allakkallu tunngaviusumik uppersaatitalit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq Kommuneqarfik Sermersuumi Kommunalbestyrelsimi Aqutsinermi ileqqoreqqusaq

Ingerlariaqqinnissaq

Aqutsinermi ileqqoreqqusaq Kommunalbestyrelsimi akuerineqarpat, ulloq 16. maaji 2017 Kommunalbestyrelsip ataatsimiinnerani aappassaaneerluni suliarineqassaaq. Aqutsinermi ileqqoreqqusaq Kommunalbestyrelsimi aappassaaneerluni, sivikinnerpaamik ullunik 14-inik akunnilerlugit, oqaluuserineqareerpat aqutsinermi ileqqoreqqusaq ataaseq Naalakkersuisunut nassiunneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqatigiinneq

Aqutsinermi ileqqoreqqusaq aappassaaneerineqareerpat kommunip nittartagaatigut tamanut saqqummiunneqassaaq.

Ingerlatsivinnit allanit oqaaseqaatit

Soqanngilaq.

Siusinnerusukkat aalajangerneq

Kommunalbestyrelsip aalajangernera marlungorneq maajip aappaaneersoq:

Kommunalbestyrelsip inassuteqaat akueraa, taamaalillunilu aqutsinermi ileqqoreqqusap aappassaaneerineqarnissaanut allatanik iluarsisuteqarnissamut borgmesteri pisinnaatinneqarluni.

Ilanngussaq

1. Kommuneqarfik Sermersuumi Kommunalbestyrelsimi Aqutsinermi ileqqoreqqusaq

Punkt 04B: Sisorarfiit aningaasaateqarfiata siulersuisuinut ilaasortamik aammalu Angalanermut aningaasaateqarfiup siulersuisuinut sinniisussanik qinersineq

Beslutning

- Sisorarfiit Ningaasaateqarfiata siulersuisuinut Søren Brandt qinerneqarpoq.
- Angalanermut aningaasaateqarfiata siulersuisuisa sinniisussaattut ukua qinerneqarput:

Rasmine Geisler-ip (IA) sinniisussaattut toqqarneqarpoq Inge Olsvig-Brandt (IA)

Mala Høy Kúko-p (A) sinniisussaattut toqqarneqarpoq Randi V. Evaldsen (D)

Peter Davidsen-ip vælges Ane Egede Mathæussen (S)

Sisorarfiit aningaasaateqarfiata siulersuisuinut ilaasortamik aammalu Angalanermut aningaasaateqarfiup siulersuisuinut sinniisussanik qinersineq

Aalajangiiffigisassaq

J.nr.: 01.04.49

Pisortaanerugallartoq Lars Møller-Sørensen / LMS

Suliassamik eqikkaaneq

Kommunalbestyrelsip 2 maaji 2017 inissitsiterluni ataatsimiinneranut atatillugu aningaasaateqarfinni siulersuisoqarfinnilu siulersuisuni ilaasortanik sinniisussanillu nutaanik Kommunalbestyrelse qinersivoq.

Sisorarfiit Aningaasaateqarfiannut siulersuisunut ilaasortaq toqqarneqartoq siulersuisunit tunuarniarluni nalunaaruteqarpoq. Taamaattumik Kommunalbestyrelse Sisorarfiit Aningaasaateqarfiannut siulersuisunut ilaasortamik nutaamik qinersissaaq.

Tamatuma saniatigut Kommunalbestyrelse Kommunalbestyrelsip Angalanermut aningaasaateqarfiata siulersuisuinut ilaasortanut sinniisussanik pingasunik qinersissaaq, taakku Kommunalbestyrelsip inissitsiterluni ataatsimiinnerani toqqarneqannginnerat pissutigalugu.

Inassuteqaat

Borgmesterip Allatseqarfiata Kommunalbestyrelsimut inassuteqaatigaa:

- Kommunalbestyrelsimi amerlanerussuteqartut Sisorarfiit Aningaasaateqarfiani siulersuisunut ilaasortamik nutaamik toqqaassasoq
- Kommunalbestyrelsimi amerlanerussuteqartut Angalanermut aningaasaateqarfiup siulersuisuinut ilaasortanut ukununga Rasmine Geisler (IA), Mala Høy Kúko (A) aamma Ane Egede Mathæussen (S) sinniisussanik toqqaassasut

Suliassamik saqqummiussineq

Kommunalbestyrelsip 2 maaji 2017 inissitsiterluni ataatsimiinneranut atatillugu aningaasaateqarfinni siulersuisoqarfinnilu siulersuisuni ilaasortanik sinniisussanillu nutaanik Kommunalbestyrelse qinersivoq.

Sisorarfiit Aningaasaateqarfiannut siulersuisunut ilaasortaq toqqarneqartoq siulersuisunit tunuarniarluni nalunaaruteqarpoq. Taamaattumik Kommunalbestyrelse Sisorarfiit Aningaasaateqarfiannut siulersuisunut ilaasortamik nutaamik qinersissaaq.

Tamatuma saniatigut Kommunalbestyrelse Kommunalbestyrelsip Angalanermut aningaasaateqarfiata siulersuisuinut ilaasortanut sinniisussanik pingasunik qinersissaaq, taakku Kommunalbestyrelsip inissitsiterluni ataatsimiinnerani toqqarneqannginnerat pissutigalugu.

Aaqqiissutissatut siunnersuut – suliatigut naliliineq

Kommunalbestyrelse Sisorarfiit siulersuisuinut ilaasortamik toqqaassaaq, Kommunalbestyrelsimut ilaasortaasariaqanngitsumik.

Kommunalbestyrelse Angalanermut aningaasaateqarfiup siulersuisuini ilaasortanut sinniisussanik pingasunik, Kommunalbestyrelsimut ilaasortanik toqqaassaaq.

Inatsisitigut tunngavissaq allakkallu tunngaviusumik uppernarsaatitallit

Kommunit aqunneqarnerat pillugu Inatsisartut inatsisaanni nr. 22, 18. november 2012-imeersumi § 31, imm 1 naapertorlugu Ataatsimiititalianut, isumalioqatigiissitanut, siulersuisunut taamaaqataannullu kommunalbestyrelsip aalajangersakkat allat naapertorlugit sinniisoqarfigisassaanut ilaasortat kommunalbestyrelsip qinissavai.
Aningaasaateqarfik Sisorarfiit malittarisassaat
Angalanermut Aningaasaateqarfiup malittarisassai

Ingerlariaqqinnissaq

Kommunalbestyrelsip aalajangiinera suliassanngorlugu ingerlateqqinneqassaaq

Aningaasaqarnermut Allatseqarfimmit oqaaseqaatit

Borgmesterip Allatseqarfianit Aningaasaqarnermut Allatseqarfimmit naliliisoqarnissaa pisariaqarsorineqanngimmat oqaaseqaatinik piniartoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allanit oqaaseqaatit

Soqanngilaq.

Ilanngussaq

Soqanngilaq.

Punkt 5: Immikkoortut matoqqasut

<p>Soqanngilaq.</p>

Punkt 6: Taasariaqartut allat

Beslutning

Soqanngilaq.

Punkt 7: Imaqarniliap akuerinera

Beslutning

Imaqarniliaq akuerineqarpoq nal. 15.45.